

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհուրդ**

Ո Ր Ո Շ ՈՒ Մ
12 մայիսի 2017 թվականի

**«Ուսումնական և գիտահետազոտական աշխատանքների կազմակերպումը
համալսարանի Գյումրու մասնաճյուղում» հարցի մասին**

Լսելով և քննարկելով «Ուսումնական և գիտահետազոտական աշխատանքների կազմակերպումը համալսարանի Գյումրու մասնաճյուղում» հարցը (զեկուցող՝ մասնաճյուղի տնօրեն, տնտեսագիտության դոկտոր, պրոֆեսոր Ս.Ա.Դավոյան)՝ գիտական խորհուրդն **արձանագրում է**, հաշվետու ժամանակաշրջանում տնօրինությունը, ուսումնական բաժինը և ամբիոնները հետևողական աշխատանք են կատարել ուսումնական գործընթացի կազմակերպման, կատարելագործման և քննաշրջանները կազմակերպված անցկացնելու ուղղությամբ: Մասնաճյուղում ուսումնական քննական գործընթացը կազմակերպվել է գործող կարգերին և գիտական խորհրդի որոշումներին համապատասխան:

Հաշվետու ժամանակահատվածում մասնաճյուղի խորհրդի նիստերում լսվել և քննարկվել են ուսումնական, գիտական, դաստիարակչական, կարգապահական և կազմակերպական բազմաբնույթ հարցեր: Առաջ են քաշվել կրեդիտային համակարգի կիրառման գործնական արդյունավետության բարձրացման հիմնահարցեր:

Դրական տեղաշարժեր են կատարվել ուսումնական գործընթացի կազմակերպման ասպարեզում: Ամբիոններում հաճախակի կատարվել են քննարկումներ ուսման որակի բարձրացման և ուսանողների հետ կատարվող ուսումնադաստիարակչական աշխատանքների ուղղությամբ:

Մասնաճյուղում աշխատում են 59 դասախոսներ, որից 5-ը՝ գիտությունների դոկտոր, պրոֆեսոր, 14-ը՝ գիտությունների թեկնածու, դոցենտ, 13-ը՝ գիտությունների թեկնածու, այսինքն՝ պրոֆեսորադասախոսական կազմի 60 տոկոսն ունեն գիտական աստիճան և գիտական կոչում:

Արձանագրելով դրական տեղաշարժերը, դեռևս կան թերություններ և չլուծված խնդիրներ.

1. Ուսանողների դասահաճախումների վերահսկողություն:
2. Դեռևս չի հաջողվում ամբողջապես բացառել կարգապահական խախտումները և դասաձախողումները:
3. Դեռևս թերություններ կան ուսանողների ակտիվության գնահատման աշխատանքներում:
4. Փորձառությունների կազմակերպման անցկացման և վերահսկողության գործընթացները:

Ելնելով վերոնշյալից՝ գիտական խորհուրդը **որոշում է**.

1. Մասնաճյուղի 2016-2017 ուսումնական տարվա ուսումնական և գիտահետազոտական աշխատանքների կազմակերպման մասին հաշվետվությունն ընդունելի գիտություն և կատարված աշխատանքը գնահատել բավարար:

2. Հանձնարարել ամբիոններին՝

- 1) դասախոսությունները, սեմինար և գործնական պարապմունքները անցկացնել ժամանակակից տեխնիկական միջոցներով և արդյունավետ մեթոդներով.
- 2) հատուկ ուշադրություն դարձնել ավարտական աշխատանքների և մագիստրոսական թեզերի թեմաների թեմատիկայի նորացմանը, իսկ դրանց պաշտպանությունը կազմակերպել միայն էլեկտրոնային հավելվածների ներկայացմամբ.
- 3) փորձառության վայրերը հնարավորության սահմաններում համապատասխանեցնել ավարտական աշխատանքներին և մագիստրոսական թեզերի թեմատիկային.
- 4) ամբիոնները համալրել բարձր որակավորում ունեցող համապատասխան մասնագետներով.
- 5) խիստ պատասխանատվությամբ առաջնորդվել ինչպես դասաբաշխումներն իրականացնելիս, այնպես էլ դասախոսական կադրեր ընտրելիս.
- 6) վերահսկողություն սահմանել ամբիոններում դասախոս կադրերի ընտրության գործընթացի վրա՝ նպաստելով, որպեսզի բուհում դասավանդեն բարեխիղճ, բարձր մասնագիտական որակներով օժտված, ակտիվ գիտական գործունեություն կատարող, դրական հատկանիշներով առանձնացող բարեկիրթ դասախոսներ.
- 7) բացառել պարբերաբար դասաձախողումներ թույլ տված դասախոսների ներգրավումը դասավանդման գործընթացում.
- 8) կատարել դասալսումներ, քննարկել ամբիոններում և արդյունքները ներկայացնել գիտական խորհրդի նիստերում:

3. Հանձնարարել մասնաճյուղի տնօրենին՝

- 1) մասնաճյուղի գիտական խորհրդի նիստերում քննարկել մայր բուհի գիտական խորհրդի նիստերի որոշումները և դրանք տեղայնացնել.
- 2) իրագործել բուհի ուսումնական գործընթացի բարելավման ուղիների նախագիծը.
- 3) ակտիվացնել և ավելի նպատակային դարձնել գիտահետազոտական աշխատանքների ոլորտը և պարբերաբար հաշվետվություններ ներկայացնել ՀՊՏՀ.
- 4) ամենօրյա հսկողություն իրականացնել կատարողական կարգապահության, ուսումնական գործընթացի կազմակերպման նկատմամբ, մասնավորապես՝ հսկողություն սահմանել դասախոսների հաճախումների հաշվառման գործընթացի վրա. խախտման պարբերաբար կրկնվող դեպքերը դարձնել քննարկման առարկա:
- 5) հնարավորինս նվազագույնի հասցնել ուսման վարձի գծով պարտավորությունները:

4. Հանձնարարել ՀՊՏՀ ռեկտորատին՝

- 1) ՀՊՏՀ-ում լույս տեսնող նոր դասագրքերից և ուսումնական ձեռնարկներից 5-ական օրինակ տրամադրել մասնաճյուղին, ինչպես նաև կազմակերպել խորհրդատվություններ մասնաճյուղի դասախոսների համար.
- 2) հրատարակչական պլաններում նախատեսել ուսումնագիտական հրատարակումներ մասնաճյուղի դասախոսների համար.
- 3) ասպիրանտուրայի և դոկտորանտուրայի համապատասխան կադրեր պատրաստելու միջոցով աջակցել մասնաճյուղի պրոֆեսորադասախոսական կազմի սերնդափոխությանը.
- 4) ուսումնարտադրական և գիտահետազոտական փորձառությունները անցկացնելու նպատակով տարբեր կազմակերպությունների հետ պայմանագրեր կնքելիս ներառել նաև մասնաճյուղի ուսանողներին:

5. Սույն որոշումը քննարկել մասնաճյուղի խորհրդի և ամբիոնների նիստերում և ձեռնարկել գործուն միջոցառումներ նշված հանձնարարականները կենսագործելու համար:

6. Սույն որոշման կատարման նկատմամբ հսկողությունը վերապահել պրոռեկտորներ Պ.Ա.Քալանթարյանին, Մ.Ն.Հարությունյանին և Գ.Ի.Վարդանյանին:

Գիտական խորհրդի նախագահ՝

Կ. Լ. Աթոյան

12.05.2017 թ.